

- 2020ko URRIAK 18 -

DOMUND

Hemen nago, bidal nazazu

18 DE OCTUBRE DE 2020

Aquí estoy, envíame

#DOMUND

Laguntzeko: www.domund.es

Colabora en www.domund.es



HEMEN NAGO, BIDAL NAZAZU – HAURREN KATEKESIRAKO GIDOIA

HELBURUAK:

- Jesusek gure bizitzan duen presentziaz jabetzea
- Gure inguruan prestasun-jarrerak eta misiolari-jokabideak sustatzea
- Konpromiso bat zehaztea

KOKATU

Domundaren gaia abiapuntutzat hartuta, egin dezagun solas neska-mutilekin:

Zer da Domunda? Misiolaririk ezagutzen al duzue? Zer egiten dute misiolariak?

Gaia hau da: «Hemen nago, bidal nazazu». Biblian, Domundeko pasarte hau dator jasota.

IKUSI

«Hemen nago, bidal nazazu»

- Nori buruz ari da? Zer egoeratan esan genitzake hitz horiek?
- Demagun partida batean gaudela (futbolean, saskibaloian edo beste kirol batean), eta gu aulkian gaudela, entrenatzaileak esan orduko jokatzera ateratzeko prest, eta irrikaz gaudela zelaira ateratzeko, parte hartzeko eta taldeari laguntzeko. Nola prestatuko ginateke? Zein izango litzateke gure jokaera? Nori egingo genioke kasu?
- Pandemia-garaiotan ere pertsona batzuk prest daude behartsuenen eta ahulenen alde lana gogor egiteko.

ENTZUN

Mk 4, 1-9 Ereilearen parabola. Bideo hau edo besteren bat baliagarria izan dakiguke:

<https://www.bing.com/videos/search?q=par%26a1bola+del+sembrador&ru=%26fvideos%26fsearch%3fq%3dpar%25c3%25a1bola%26del%26sembrador%26%26FORM%3dVDVVXX&view=detail&mid=0D7A7520D7FF225A34200D7A7520D7FF225A3420&&FORM=VDRVSR>

lruzkina

Pentsa dezagun gutako bakoitzean hazi batzuk erein dituztela. Saia gaitezen fruitua eman dezaten. Horretarako, garrantzitsua da haziak lur ona izatea eta sustraiak botatzea.

JARDUERA: Gure zuhaitza

Zuhaitz bat marraztuko dugu, bakoitzak berea, lur onean erori den hazitik atera dena, baina pixkanaka marraztuko dugu, zatika. (Ikusi irudia)

5 Hostoak:

Hostoak adarretan jaiotzen dira, eta fruitua izaten dute ondoan. Gure hostoak gizaki hobeak izaten laguntzen diguten pertsona garrantzitsuak dira: gure ametsak fruituekin lotzen dituzte.

6 Fruituak:

Zuhaitzak opari gisa eskaintzen dizkigu fruituak. Fruituen ondoan, zure ingurua hobetzeko besteei eskain diezaiekezuna idatz dezakezu.

4 Adarrak:

Adar batzuk meheak izaten dira; lodi eta sendoak, beste batzuk. Gure adarrak gure ametsak izan daitezke. Zure ustez, nolakoa izango da mundua handia izaten zarenean? Zer izan nahi duzu 30 urterekin? Adar batzuk marraztu, eta adarretan amets batzuk idatzi.

3 Enborra:

Zuhaitzaren zatirik sendoena eta gogorrena da. Gure enborra gure izaera da (Pentsatu zure eta zure lagun hiru ezaugarri positibo, eta idatzi kolore batez).

2 Sustraiak

Zuhaitzaren euskarria dira. Lurrean ondo sartuta egoten dira. Zuhaitz batekin konparatuko bagina, zein lirateke gure sustraiak, gure euskarria? Zaintzen gaituen eta hazten laguntzen digun familia dugu sustrai (Sustraietan haien izenak jarriko ditugu).

DOMUND

Hemen nago, bidal nazazu

1 Lurra:

Zuhaitza jaiotzen den lekua da, eta inguratzen duena. Guk ere badugu gure lurra. Izan daiteke gure etxea, gure ikastetxea edo lagunekin elkartzen garen parkea (Pentsatu zure lagunengan. Zer da zure lagunetatik gehien gustatzen zaizuna?).

GOGOETA:

Dagoeneko prest daukagu gure zuhaitza, gure bizitzaren zuhaitza. Zuhaitz bakoitza, bizitza bakoitza bezala, bakar eta berdingabea da.

Marrazkiak mahai gainean jarri, eta ikaskideei erakutsiko dizkiegu. Zuhaitz horietan, gurasoak eta anai-arrebak jarri ditugu, guretzat garrantzitsuak diren pertsonak. Gure amets eta balioak ere ipini ditugu.

Baina nola hazten da zuhaitza? Nondik datorkio indarra? IZERDIA du zuhaitzak indar-iturri.

Guri nork laguntzen digu hazten? Nor egoten da beti gure ondoan? Zein da gure izerdia? Gure izerdia Jainkoa da, MAITASUNA. Zuhaitz osoan barna dago. Ez da ikusten, baina garrantzitsua da gure zuhaitza sendo haz dadin eta fruitua eman dezan. Gu ere zuhaitzak gara, eta Jainkoa gudan dago. Konturatzen al gara horretaz?

Ametsez hitz egin dugu, mundua hobetzeaz. Gure talentu eta balioek amets hori egia bihurtzen lagun diezagukete.

Zer fruitu espero ditu JAINKOAK gugandik? Itzul gaitezen Domundaren gaira: «Hemen nago, bidal nazazu». Nora bidaltzen gaitu? Zer egiteko dauka guretzat prestatuta?

Historian zehar, horrela jardun dute misiolariak. Pandemia-garaiotan, misiolariak behartsuenen ondoan egon dira. Horrelako kasurik ezagutzen al duzue?

Gertuko norbaiten (Eguz, Arantxa, Joseba, Itziar) bideo labur bat aurkezteko une egokia izan daiteke honako hau.

Elkarriketa: Nolakoa litzateke beren zuhaitza? (familia, inguruko jendea, ametsak, adibideak, fruituak...). Erraza al litzateke «Hemen nauzu, bidal nazazu» esatea? (aipatu beldurrak, zailtasunak)

Eskatu Eguzi, Arantxari, beren zuhaitza egiteko, eta taldeari erakutsi. Horren inguruan solasean aritu.

JARDUN

Inoiz pentsatu al duzue misiolari izateko aukeran?

Has gaitezen oraintxe misiolari izaten.

Post-it batean, haur bakoitzak aste honetarako konpromiso bat idatziko du, ingurua hobetzen laguntzeko (etxea, ikastetxea...). Prest gaudela adierazten duen zerbait. Zertan eskain dezaket nire burua? Mandatu bat egiten, adiskide bati laguntzen...

Koloretako *Post-it* eraman, bertan idatzi eta zuhaitzean itsatsi. Zuhaitzaren prozesua etxean azal dezaten.